

Tawbaa-Kutaa 1ffaa

Description

Dhugumatti Faaruun hundi kan Rabbiiti. Isa ni faarsina, ni gargaarsifanna, araarama Isa kadhanna. Sharriwwan nafsee teenyaa fi hamtuwwan hojiwwan keenyaa irraa Rabbiin eeggamna. Nama Rabbiin qajeelche kan isa jallisu hin jiru. Nama Rabbiin jallise kan isa qajeelchu hin jiru. Rabbii Tokkicha shariika hin qabne malee dhugaan gabbaramaan akka hin jirre ragaa nan baha. Akkasumas, Muhammad gabrichaa fi Ergamaa Isaa taâ€™uu ragaa nan baha.

Qulqullinnaa fi Najaasaa, Kabajaa fi Salphinna

Jirenya keessatti namoonni sababa adda addaa irraa kan kaâ€™e rakkinnaa fi dhiphinna keessa jiraatu. Namoonni gariin sababa kana beekun furmaata barbaadatu. Gariin immoo akkasumatti haaluma keessa jiran itti fufu. Sababoota rakkinnaa fi dhiphinna namatti fidan keessaa guddaan badii hojjachuudha. Badii kana irraa qulqullaâ€™anii jirenya gammachuu jiraachuuf furmaanni guddaan tawbaadha. In sha Allah torbiwwan muraasaaf waaâ€™ee tawbaa ni ilaalla. Mee harâ€™a osoo tawbatti hin seenin, Qulqullinnaa fi najaasan, kabajaa fi salphinni maal akka taâ€™an haa ilaallu.

Qulqulinna (Xahaarah), najaasaa, najisa

Akkuma bishaan najaasa ijaan mulâ€™atu qulqulleessu, tawbaanis najaasa ijaan hin mulâ€™anne kan qulqulleessudha. Qulqulinnaa (xahaaraa) fi najaasaa maal akka taâ€™e beekun, salphatti akka tawbatan nama gargaara. Namni najaasaa akka qulqullinnaatti yoo ilaale tawbachuu itti ulfaata. Kanaafu, mee hiika fi maalummaa jechoota kanniin haa qoâ€™annu.

Qulqulinna (Xahaaraa) jechuun- wanta xurii taâ€™ee, jibbisaa fi nama miidhu ofirraa oofu ykn deemsiisuudha. Ishiin qulqulinna eeggatti yommuu jennu xurii fi wanta jibbisaa ofirraa kaasti jechuu keenya. Qulqullinni bakka lamatti qoodama.

1ffaa- Qulqulinna wanta ijaan mulâ€™atu- kuni xahaaraa ifaa ijaan mulâ€™atu fi qaamolee miiratin hubachuu dandaâ€™aniidha. Fakkeenyaf, bishaan yoo homaa itti hin makamiin qulqulinna qaba jenna. 2ffaa- Qulqulinna Keessaa- kuni keessa namaati fi qalbiin kan wal qabatuudha. Yoo namni waan badaa yaadu fi hojjachuu dhiise, â€œqalbiin isaa qulqulluudhaâ€¢ jedhama.

Najaasaa yommuu jennu immoo mataa isaatiin wanta qulqulluu hin taane, badaa fi nama miidhu dandaâ€™uudha. Najaasanis bakka lamatti qoodama. Isaaniis, najaasaa ijaan mulâ€™atu kan qaama fi uffata namaa tuqu. Fakkeenyaf, fincaan, sagaraa fi kkf najaasadha. 2ffaa- najaasaa keessaa ijaan hin mulâ€™anne kan qalbii fi sammuu namaa tuquudha. Fakkeenyaf, shirkii, yaada badaa, dilii (cubbuu) garagaraati.

Najisa jechuun immoo wanta najaasaadhaan faalameedha.

Mee wantoota armaan olii sadan fakkeenyaan haa ilaallu.

Bishaan uumamaan qulqulluu (xahaara)dha. Yommuu fincaaniin walitti makamu najisa taâ€™a. Asitti fincaan najaasadha. Bishaan erga fincaaniin walitti makame booda najisa jedhama.

Haaluma kanaan, namni yommuu dhalatu qalbii fi sammuu isaa qulqulluu taâ€™ee dhalata. Yommuu amantii fi yaanni badaan sammuu fi qalbii isaa keessa seenu najisa taâ€™a. Haalli, amallii fi adeemsi isaa kan bade taâ€™a. Kanaafi, kaafirri nafseen isaa kufriin waan xurooftef najisa taati. Garuu qaamni isaa yoo najaasan ijaan mulâ€™atu isa hin tuqin qulqulluudha.

Muâ€™mini immoo hojji badaa yoo hojjate, mutanajjis (nama qulqullu najaasan tuqe) taâ€™aa malee, akka kaafiraa guutumaan guututti najisa hin taâ€™u. Fakkeenyaf muâ€™minni zinaa yoo raawwate, najaasan isa tuqee jechuudha. Kanaafu, najaasa kana tawbaa, istighfaara fi hojji gaggaariin ofirraa qulqulleessuf tattaafachu qaba. Yooakkana godhe, gara qulqullumaatti ni deebiâ€™a.

Jechi biraahii najaasatti dhiyaatu jecha â€œerijsâ€¢ jedhuudha. Jechi Rijs jedhu Qurâ€™aanaa keessatti irra deddeebiâ€™ame ni dubbatama. Rijs jechuun wanta fokkuu, shirkii, taabota gabbaruu, adabbii, kufrii fi ksf. Yommuu namni wanta fokkuu hojjatu, rajis (gadhee) jedhama.

Namni yommuu najaasan ijaan mulâ€™atu isa tuqu bishaan qulqulluun of dhiqa. San booda nama qulqulluu taâ€™a. Haaluma kanaan qalbii namaa yommuu najaasan cubbuu/badii tuqu, tawbaa, istighfaara fi hojji gaggaariin qulqulleessan. Taâ€™uu baannan, badiin qalbii isaa haguugun jireenyaa keessatti dukkanni fi adabbiin akka isatti buâ€™u sababa taâ€™a. Seena keessatti ummanni Luux badii guddaa hojjachuu beekkamu. Nabii Luux (AS) fi maatiin isaa namoota badii irraa of qulqulleessaniidha. Qurâ€™aanni seenaan ikaanii akkana jechuun nutti hima:

â€œLuuxinis yommuu ummataa isatiin jedhe [yaadadhu]: â€œSila isin badii fokkataa addunyaa irraa eenyullee isin hin dursin raawwattuu? Dhugumatti isin fedhii saalaatiif jecha dubartii dhiistanii dhiiratti dhuftuu! Dhugumatti isin ummataa daangaa darboodha. Deebiin ummataa isas, â€œMagaalaa keessan keessaa isaan baasaa; dhugumatti isaan namoota of-qulqulleessaniidha.â€¢ jechuu malee homaa hin turre. Isaa fi maatiin isaa [adabbii jalaa] ni baraarde. Garuu niitin isaa warra [adabbii keessatti hafan] keessaa taate.â€¢ Suuratu Al-Aâ€™raaf 7:81-83

Ummanni Luuxi badii eenyullee isaan hin dursin hojjataa waan turaniif addunyaa irraa dugugamanii badan. Niitin Nabii Luux ummati wanta bidaa akka hojjatan waan akeekaa turteef ishiiniis isaan waliin badde. Garuu Luuxi fi maatiin isaa hafan, namoota badii irraa of-qulqulleessan waan turaniif adabbii cimaa jalaa ni baraaraman. Haaluma kanaan, seerri Rabbii kan hin jijiramne waan taâ€™ef, Rabbiin Oltaâ€™aan namoota badii irraa of qulqulleessan addunyaa fi Aakhiratti azaaba (adabbii cimaa) irraa ni baraaraa ykn nagaha baasa.

ثُمَّ نَجِّي رُسُلَنَا وَالَّذِينَ كَانُوا مُّهَاجِرِينَ كَذَلِكَ حَقًا عَلَيْنَا نُنْهِجُ

الْمُؤْمِنِينَ ١٠٣

â€œErgasii, Ergamtootaa Keenya fi kanneen amanan nagaha baafna (ni baraarra). Akka kanatti muâ€™mintoota (warroota amanan) nagaha baasun Nu irratti haqa â€¢ Suuratu Yuunus 10:103

Najaasan gurguddaan namni irraa fagaachu qabuu fi yoo najaasan kuni isa tuqe dafee kan ofirraa qulqulleessu qabu, kanneen armaan gadiiti. Najaasan kanniini kabaaâ€™ira zunuub (Badii gurguddaa) jennaan.

Najaasaan kunniin sadarkaadhaan wal caalu. Najaasaan hundarra badaan shirkii, kufrii fi nifaqa. Shirkii jechuun Rabbiin waliin waan biraa gabbaruudha. Fkn, Nabiyyoota, Malaykota fi kkf gabbaru (waaqefachuu). Kufrii jechuun haqa mormuu, itti amanuu diduu fi irratti of tooludha. Nifaqa jechuun waan badaa ykn kufrii of keessatti dhoksuun waan gaarii ykn Islaama mulâ€™isuudha.

Kabaaâ€™ira Zunuub (Badii Gurguddaa)

- 1-Rabbitti kafaruu fi Isatti waa qindeessu-kufrii fi shirkii
- 2-Lubbuu namaa haqa malee ajjeesu
- 3-Sihrii (falfala)
- 4-Salaata dhiisu
- 5-Zakaa dhoowwachuu
- 6- Osoo dandaâ€™uu hajjii dhiisu
- 7-Uquuqul waalidayn (haadha abbaaf tola oolu diduu fi isaan miidhu)
- 8-Ribaa (dhala) nyaachu
- 9- Qabeenya yatiima haqa malee nyaachu
- 10-Rabbii fi Ergamaa Isaa (SAW) irratti kijiba dubbachuu
- 11- Ramadaana uzrii ykn hayyama tokko malee hiiku
- 12-Dirree waraanatti yommuu diinatti dhiyaatan waraana irraa dheessu
- 13-Zinaa (Sagaagalummaa) raawwachuu
- 14-Hogganaan namoota isa jalatti bulan gowwoomsu, cunqursuu, isaan miidhu
- 15-Khamrii (alkooli) dhuguu, osoo nama macheessu baateyyu. Fkn, biiraa dhuguun badii guddaadha.
- 16-Boonu, of-dhaadachuu, Of tuuluu fi of dinqisifachuu
- 17- Ragaa sobaa bahuu
- 18- Saalli wal fakkaatu lama wal-qunnamti saalaa raawwachu (homosexuality). Fkn, dhiiraa fi dhiira
- 19-Dubartoota qulqulluu zinaan maqaa xureessu
- 20- Qabeenya boojiâ€™ame, Baytul Maali fi zakaa irraa dhoksaan hatu- Baytul maal-Mana qabeeniyi hawaasaa itti kuufamu
- 21- Qabeenya namootaa kijibaan fudhachuun zulmii (miidhaa) hojjachuu
- 22- Hanna
- 23- Karaa muruu- kana jechuun shiftaa taâ€™uun namoota karaa deeman irraa qabeenya isaanii saamu ykn isaan ajjeesu
- 24- Sobaan kakachuu

- 25- Dubbii isaa caalaa keessatti kijiba baayâ€™isuu
- 26- Nafsee ofii galaafachuu (ajjeesu)- Badii hundarra gurguddaa keessaa tokko
- 27- Abbaa murtii badaa
- 28-Haadha warraa irratti kan hin hinaafne- badii akka zinaa haati manaa yommuu raawwattu akka gaaritti

ilaalun calâ€™isuu

29- Dubartiin dhiira of fakkeessu, dhiirri dubartii of fakkeessu

30- Muhallil wa muhallil lahu

31-Rakkoo ykn uzrii tokko malee baktii, dhiigaa fi foon booyye nyaachu

32-Fincaan irraa of qulqulleessu dhiisu

33-Gibira sassabuu

34-Ar-Riyaa (na argaa)

35- Khiyaanah (ganuu)

36- Addunyaa argachuuf qofa jedhanii beekumsa amantii barachuu fi beekumsa dhoksuu

37-Mannaan (tola namaaf oolan namatti lakkaaâ€™un of dhaadachuu)

38- Qadara kijibsiiusu

39- Wanta namoonni dhoksaan haasawanii fi namni biraa akka beeku hin barbaanne, osoo isaan hin beekin suuta dhageefachu. Fkn, mana isaanii jala taaâ€™un wanta isaan dubbatan gurratti guuru.

40- Abaarsa baayâ€™isuu

41-Amiira (hogganaa) ofii ganuu

42- Raagdu fi urjii ilaalun nama wanta fagootti adeemsifamu dubbatu dhugoomsu

43- Dubartiin abbaa manaa ishii irratti finciluu (nushuuz)

44- Rahimummaa kutuu

45- Uffataa, dhaaba manaa fi kkf irratti suuraa ruuhii (lubbuu) qabu kaasu

46- Namoota wal lolchisiisuuf dubbii oli gadii oofu (namiimah)

47- Yeroo firri duâ€™u dubartiin mardoo buusun garmalee iyyitee booyu fi boqoo ofii rukutu

48-Sanyii namaa maqaa badaan tuquu

49- Baghiy (daangaa darbuu)

50-Seeyfin bahuu fi namoota shirkii fi kufrii gaditti badii gurguddaa hojjatan kaafira jechuun labsuu-
Kana jechuun Muslimootatti duulu fi kaafira isaaniin jechuu

51-Muslimoota rakkisuu fi isaan arrabsuu

52- Awliyaaâ€™ota Rabpii rakkisuu fi isaanitti diina taâ€™uu- Awliyaaâ€™ota jechuun warroota
dhugaan amananii, wanta Rabbiin itti ajaje hojjatanii fi wanta Inni irraa dhoowwe dhiisaniidha.

53-Surree lafarra harkisuu

54- Dhiirri hariira fi warqii uffachuu fi dirachuu

55-Gabrichi bulchaa isaa jalaa sokkuu, ilmii abbaa isaa jalaa sokkuu fi kkf

56- Rabbiin ala wanta biraatif qaluu

57- Mallatoo ykn daangaa lafaa jijiruu- daangaa lafaa dhiibuu

58- Sahaabota arrabsuu

60- Gara jallinna namoota waamu ykn karaa (sunnaah) badaa namootaf baasu

61- Rifeensa mataatti rifeensa artifishaali qabsiisu, ilkaan jidduu babalâ€™isuu fi niqisaata hojjachuu fi
hojjachifachu

62- Sibilaan obboleessa isaatti aggaamachuu

63-Abbaa isaa malee nama biraa akka abbaatti waamachuu

64-Waa alaamefachuun milkii ilaallachuu- Fkn, sinbiroon gara mirgaatin yoo dabarte, waan gaaritu na
qunnama; gara bitaatiin yoo dabarte immoo waan badaatu na qunnama jedhanii yaadu.

65-Meeshaa warqii fi meetii irraa hojjatamee keessatti dhuguu

- 66- Mormii baayâ€™isuu- sobaan mormuu, nama yakka hojjate â€œInni kana hin hojjanneâ€¢gedhanii mormuufi, amantii keessatti beekumsa malee falmuu
 67- Safaraa fi madaala keessatti hanga hirâ€™isuu
 68- Tooftaa Rabbii irraa nageenyi namatti dhagahamuu
 69- Rahmata Rabbii irraa abdii kutuu fi garaa murachuu
 70- Kan tola namatti oole tola isaa waakkachuu- homaa naaf hin goone jechuun tola isaa waakkachuu
 71- Qumaari taphachuu
 72- Al-Masjidul Haraam keessatti jallinna fi badii hojjachuu
 73- Uzrii tokko malee jumâ€™aa dhiisun adda salaatu
 74- Muslimoota basaasuu fi hanqinna dhoksaan ifatti baasu

Badiwwan gurguddaan lakkoofsan hangana jedhanii murteessun ni ulfaata. Kanneen armaan olii badii gurguddaa hangafoota taâ€™an hayyooni Islaamaa Qurâ€™aanaa fi hadiisa keessaa walitti qabaniidha. Garuu hiika badii gurguddaa beekun salphatti badii gurguddaa fi xixiqaa akka addaan baafatan nama taasisa. **Badii gurguddaa** yommuu jennu badii addunyaa tana keessatti adabbii seera Islaamaa (haddii) nama adabsiisu, fakkeenyaf, kan akka zinaa, ajjeechaa fi ksf. Yookiin Aakhiratti adabbii fi dallansuun kan waadaa galame ykn iimaana namaa kan diigu. Yookiin nama badii san hojjatu Ergamaan Rabbii (SAW) kan abaaran. Najaasa gurguddaa kanaa gaditti badii xixiqoleen ni jiru. Garuu badii xixiqolee kanniin irra deddeebiâ€™anii yoo hojjatanii fi yoo irraa tawbatu dhiisan, gara badii guddaatti nama geessa. Rabbiin (subhaanahu wa taâ€™alaa) nama badii gurguddaa irraa fagaate, badii xixiqolee akka araaramuuf waadaa galee jira:

إِنْ تَجْتَنِبُوا كَبَائِرَ مَا نَهَنَّ عَنْهُ نُكَفِّرُ عَنْكُمْ سَيِّئَاتِكُمْ
 وَنُدْخِلُكُمْ مُدْخَلًا كَرِيمًا

٢١

â€œ**Badii Gurguddaa irraa dhoowwamtan yoo irraa fagaattan, badiwwan [xixiqoo] keessan isin irraa haaqnee seensa kabajaa (Jannata) isin seensifna.**â€¢ Suuratu An-Nisaa 4:31

Namni badii gurguddaa armaan olii keessatti yoo kufe, adabbii cimaaf saaxilamu dandaâ€™a. Kanaafu, karaan hundarra gaariin adabbi cimaa jalaa itti bahan tawbaadha. In sha Allah, kutaa itti aanu keessatti waaâ€™ee tawbaa ni ilaalla.

Guduunfaa

âž¥Namni jirenyaa keessatti gammachuu barbaadu akkuma qaamaa fi uffata ofii najaasaa irraa eegu qalbii fi sammuu ofii najaasa irraa eegu qaba.

âž¥Najaasan bakka lamatti qoodama.Isaaniis:1ffaa-Najaasaa ijaan mulâ€™atu.Fkn, fincaan, sagaraa fi ksf. 2ffaa-Nijaasaa keessaa (spiritual impurity) ykn najaasaa ijaan hin mulâ€™anne. Fkn, shirkii, kufrii, nifaqa, badii gurguddaa fi xixiqaa kanaa gadi jiran. Najaasan kunniin qalbii fi sammuu namaa faalun nafsee namaa najisa taasisu.

âž¥Najaasan kunniin qalbii irra yoo buâ€™ee fi dafanii yoo hin qulquelleessin, qalbii haguugun haqa akka hin argine nama taasisa.

Abu Hureyraan akka gabaasetti Ergamaan Rabbii (SAW) akkana jedhan: **Yommuu namni dhugaan amane badii hojjatu, tuqaan gurraattin qalbii isaa irratti ni mulâ€™atti.** Yoo tawbatee badii san dhiisee fi Rabbiin irraa araarama kadhate, qalbiin isaa ni qulqulloofti. Garuu badii hojjachuu yoo itti fufe, tuqaan gurraattin ni dabalti. Suni â€œRaanaâ€¢Rabbiin Kitaaba Isaa keessatti dubbateedha: â€œHaa dhorgaman! Dhugumatti Wanti hojjataa turan qalbii isaanii haguugeâ€¢

Suuratu Muxafifin 83:14 ([Sunan Ibn Maajah 4244](#))

Raana jechuun badiin badii irratti dabalamuun qalbii nama haguugu fi gurraachessudha. âž¥ Namni badii irraa yoo qulqullaaâ€™e kabajaa argata. Yoo badii irraa of qulqulleessu dhiise immoo ni salphata. Qurâ€™aana keessatti:

﴿قَدْ أَفْلَحَ مَنْ زَكَّهَا ۚ وَقَدْ خَابَ مَنْ دَسَّهَا﴾

â€œNamni ishii(nafsee ofii badii irraa) qulqulleesse dhugumatti milkaâ€™e.

Kan ishii (nafsee ofii badiin) xureesse dhugumatti hoongaâ€™eâ€¢ Suura Ash-Shams 91:9-10

Namni baditti erga taree booda hojji gaggaarii hojjachuu fi tawbaan of qulqulleessee nama milkaâ€™u fi gammadu taâ€™uu dandaâ€™a. In sha Allaah akkaataa itti tawbatanii fi wantoota tawbaa irratti nama gargaaran walumaan ilaalla.

Kitaabban Wabii

[Ibtilaaâ€™ul Iraadati bil Iimaani wal-Islaami wal-Ibaadatâ€¢](#) Fuula 121-144, Abdurahman Hanbakah
[Kabaaâ€™iaâ€¢](#) Imaamu Zahabi

Date Created

February 28, 2019

Author

admin